

劉賓客集

冊三

新編 漢書

卷一百一十五

劉賓客文集卷第二十二

五言今體三十首

春日退朝

紫陌夜來雨南山朝下看戟枝迎日動閣影助松寒瑞氣卷綃縠遊光泛波瀾
御溝新柳色處處拂歸鞍

經東都安國觀九仙公主舊院作

仙院御溝東今來事不同門開青草日樓閉綠楊風將犬昇天路披霓赴月宮
武皇曾駐蹕親問主人翁

蜀先主廟

漢末謠黃牛白腹五銖當復

天下英雄氣千秋尙凜然勢分三足鼎業復五銖錢得相能開國生兒不象賢
淒涼蜀故妓來舞魏宮前

觀八陣圖

軒皇傳上略蜀相運神機水落龍蛇出沙平鵝鸛飛波濤無動勢鱗介避餘威

會有知兵者臨流指是非

八月十五夜玩月

天將今夜月一徧洗寰瀛暑退九霄淨秋澄萬景清星辰讓光彩風露發晶英
能變人閒世翛然是玉京

許給事見示哭工部劉尙書詩因命同作

漢室賢王後

從叔望出河閒

孔門高第人濟時成國器樂道任天真特達圭無玷堅貞

竹有筠總戎寬得衆市義貴能貧護塞無南牧馳心拱北辰乞身來闕下賜告
臥漳濱榮耀初題劍清羸已枕紳宮星徒列位隙日不回輪自昔追飛侶今爲
侍從臣素弦哀已絕青簡歎猶新未遂揮金樂空悲撤瑟晨淒涼竹林下無復

見清塵

從叔自渭北節度以疾歸朝比及拜尙書竟不克中謝

奉和中書崔舍人八月十五日夜玩月二十韻

莫景中秋爽陰靈旣望圓騰精浮碧海分照接虞淵迴見孤輪出高從倚蓋旋
二儀含皎澈萬象共澄鮮整御當西陸舒光麗上玄從星變風雨順日助陶甄

遠近同時望晶熒此夜偏運行調玉燭潔白應金天曲沼凝瑤鏡通衢若象筵
逢人盡冰雪遇境卽神仙引素吞銀漢凝清洗綠煙皋禽警露下鄰杵思風前
水是還珠浦山成種玉田劍沈三尺影燈罷九枝然象外行無迹寰中影有遷
稍當雲闕正未映斗城懸靜對揮宸翰閑臨嬖彩牋境同牛渚上宿在鳳池邊
興掩尋安道詞勝命仲宣從今紙貴後不復詠陳篇

奉和淮南李相公蚤秋卽事寄成都武相公

八柱共承天東西別隱然遠夷爭慕化真相故臨邊並進夔龍位仍齊龜鶴年

相公詩有齊年並進之句也

同心舟已濟造膝壁常聯對領專征寄遙持造物權斗牛添氣

色井絡靜氛煙獻可通三略分甘出萬錢漢南趨節制趙北賜山川玉帳觀渝
舞虹旌獵楚田步嫌雙綬重夢入九城偏秋與離情動詩從樂府傳聆音還竊
扑不覺撫么弦

李中書自揚州見示詩本因命仰和

元和癸巳歲仲秋詔發江陵偏師問罪蠻徼後命宣慰釋兵歸降凱旋
之辰卒爾成詠寄荆南嚴司空

蠻水阻朝宗兵符下渚宮前籌得上策無戰已成功漢使星飛入夷心草偃同
歡謠開竹棧拜舞擲桑弓就日知冰釋投人念鳥窮網羅三面解章奏九門通
卉服聯操袂雕題盡鞠躬降幡秋練白驛騎畫塵紅火號休傳警機橋罷互空
登山不見虜振旆自生風江遠煙波靜軍回氣色雄佇看聞喜後金石賜元戎

武陵書懷五十韻

并引

按天官書武陵當翼軫之分其在春秋及戰國時皆楚地後爲秦惠王所并置
黔中郡漢興更名曰武陵東徙於今治所常林義陵記云初項籍殺義帝於郴
武陵人曰天下憐楚而興今吾王何罪乃見殺郡民縞素哭於招屈亭高祖聞
而義之故亦曰義陵今郡城東南亭舍其所也晉宋齊梁閒皆以分王子弟事
存於其書永貞元年余始以尙書外郎出補連山守道貶爲是郡司馬至則以
方志所載而質諸其人民顧山川風物皆騷人所賦乃具所聞見而成是詩因
自述其出處之所以然故用書懷爲目云

西漢開支郡南朝號咸藩四封當列宿百雉俯清沅高岸朝霞合驚湍激箭奔

積陰春暗度將霽霧先昏俗尙東皇祀謠傳義帝冤桃花迷隱跡棟葉慰忠魂

戶算資漁獵鄉豪恃子孫照山畚火動踴月俚歌喧擁楫舟爲市連薨竹覆軒

披沙金粟見拾羽翠翹翻茗圻滄溪秀蘋生枉渚喧蒼溪茶爲邑人所重枉渚近在郭東禽驚格

磔起魚戲噉喁繁按本草經曰鷓鴣聲如鉤輅格磔者是也沈約臺榭故李衡墟落存隱侯臺木在湘

靈悲鼓瑟泉客泣酬恩露變蒹葭浦星懸橘柚村虎咆空野震鼉作滿川渾鄰

里皆遷客兒童習左言炎天無冽井霜月見芳蓀清白家傳貴詩書志所敦列

科叨甲乙從宦出丘樊結友心多契馳聲氣尙吞士安曾重賦元禮許登門草

檄嫖姚幕巡兵戌己屯築臺先自隗送客獨留髡遂結王畿綬來觀衢室尊鳶

飛入鷹隼魚目儷璵璠曉燭羅馳道朝陽闢帝閭王正會夷夏月朔盛旗幡獨

立當瑤闕傳訶步紫垣按章清犴獄視祭潔蘋蘩御曆昌期遠傳家寶祚蕃繇

文光夏啓神教畏軒轅內禪因天性膺圖授化元繼明懸日月出震統乾坤大

孝三朝備洪恩九族惇百川宗渤澥五岳輔崑崙何幸逢休運微班識至尊校

緡資筦榷復土奉山園時以本官判度支鹽鐵等兼崇陵使判官一失貴人意徒聞太學論直廬辭

錦帳遠守愧朱輶巢幕方猶燕搶榆尚笑鯤還回過荆楚流落感涼溫旅望花
無色愁心醉不惺春江千里草暮雨一聲猿問卜安冥數看方理病源帶賒衣
改製塵澀劍成痕三秀悲中散二毛傷虎賁來憂禦魑魅歸願牧雞豚就日秦
京遠臨風楚奏煩南登無灞岸旦夕上高原

經伏波神祠

蒙蒙篁竹下有路上壺頭漢壘磨颯鬪蠻溪霧雨愁懷人敬遺像閱世指東流
自負霸王略安知恩澤侯鄉園辭石柱筋力盡炎洲一以功名累翻思馬少遊

聞董評事疾因以書贈

董生奉
內典

繁露傳家學青蓮譯梵書火風乖四大文字廢三餘敲枕晝眠晚折巾秋鬢疏
武皇思視草誰許茂陵居

贈澧州高大夫司馬霞寓

前年牧錦城馬蹋血泥行千里追戎首二軍許勇名殘兵疑鶴唳空壘辨烏聲
一誤雲中級南遊湘水清

宿誠禪師山房題贈二首

宴坐白雲端清江直下看來人望金刹講席繞香壇虎嘯夜林動鼃鳴秋澗寒
衆音徒起滅心在淨中觀

不出孤峯上人閒四十秋視身如傳舍閱世甚東流法爲因緣立心從次第修
中宵問真偈有住是吾憂

晚泊牛渚

蘆葦晚風起秋江鱗甲生殘霞忽變色遊雁有餘聲戍鼓音響絕漁家燈火明
無人能詠史獨自月中行

罷郡歸洛陽閑居

十年江外守旦夕有歸心及此西還日空成東武吟花閒數殘酒月下一張琴
聞說功名事依前惜寸陰

城中閑遊

借問池臺主多居要路津千金買絕境永日屬閑人竹逕縈紆入花林委曲巡

斜陽衆客散空鎖一園春

罷郡歸洛陽寄友人

遠謫年猶少初歸鬢已衰
閑門故吏去靜室老僧期
不見蜘蛛集頻爲儂句欺
穎微囊未出寒甚谷難吹
瀟落唯心在平生有己知
商歌夜深後聽者竟爲誰
陝州河亭陪韋伍大夫雪後眺望因以留別與韋有布衣之舊一別二

紀經遷貶而歸

雪霽太陽津城池表裏春
河流添馬頰原色動龍鱗
萬里獨歸客一棹逢故人
登高向西望關路正飛塵

途中蚤發

中庭望啓明促促事晨征
寒樹鳥初動霜橋人未行
水流白煙起日上彩霞生
隱士應高枕無人問姓名

初至長安

時自外郡再授郎官

左遷凡二紀重見帝城春
老大歸朝客平安出嶺人
每行經舊處卻想似前身

不改南山色其餘事事新

大和戊申歲大有年詔賜百寮出城觀秋稼謹書盛事以俟采詩者

長安銅雀鳴秋稼與雲平玉燭調寒暑金風報順成川原呈上瑞恩澤賜閑行
欲及重城掩猶聞歌吹聲

蚤秋集賢院卽事

時爲學士

金數已三伏火星正西流樹含秋露曉閣倚碧天秋灰琯應新律銅壺添夜籌
商飆從朔塞爽氣入神州蕙草香書殿槐花點御溝山明真色見水靜濁煙收
蚤歲忝華省再來成白頭幸依羣玉府有路向瀛洲

金陵懷古

潮滿冶城渚日斜征虜亭蔡洲新草綠幕府舊煙青興廢由人事山川空地形
後庭花一曲幽怨不堪聽

晝居池上亭獨吟

日午樹陰正獨吟池上亭靜看蜂教誨閑想鶴儀形法酒調神氣清琴入性靈

浩然機已息几杖復何銘

分司東都蒙襄陽李司徒相公書問因以奉寄

蚤忝金馬客晚爲商洛翁知名四海內多病一生中舉世往還盡何人心事同
幾時登峴首懷舊揖三公

奉和吏部楊尚書太常李卿二相公策免後卽事述懷贈答十韻

文雅關西族衣冠趙北都有聲真漢相無類勝隋珠當軸龍爲友臨池鳳不孤
九天開內殿百辟看晨趨誠滿澄敔器成功別大鑪餘芳在公論積慶是神扶
步武離台席回翔集帝梧銓材秉秦鏡典樂去齊竽蕭灑風塵外逢迎詩酒徒
唯應待華誥更食萬錢廚

門下相公榮加冊命天下同歡忝沐眷私輒敢申賀

冊命出宸衷官儀自古崇特膺平土拜光贊格天功再佩扶陽印常乘鮑氏驄
七賢遺老在猶得詠清風

病中一二禪客見問因以謝之

勞動諸賢者同來問病夫添鑪擣雞舌灑水淨龍鬚身是芭蕉喻行須邛竹扶
醫王有妙藥能乞一丸無

劉賓客文集卷第二十二

傳記卷之五

下...入下同...

傳記卷之五

...

劉賓客文集卷第二十三

古調十六首

登司馬錯故城

秦昭王命錯征五溪蠻城在武陵沅江南

將軍將秦師西南奠遐服故壘清江上蒼煙晦喬木登臨值肅辰周覽壯前躡
塹平陳葉滿墉高秋蔓綠廢井抽寒葉毀臺生穰穀耕人得古器宿雨多遺鏃
楚塞鬱重疊蠻溪紛詰曲留此數仞基幾人傷遠目

臥病聞常山旋師策勳賓過王澤大洽因寄李六侍御

寂寂重寂寂病夫臥秋齋夜蟲思幽壁槁葉鳴空階南國異氣候火旻尙昏霾
瘴煙跼飛羽沴氣傷百骸昨聞凱歌旋飲至酒如淮無戰陋丹水垂仁輕臺街
清廟旣策勳圓丘俟燔柴車書一以混幽遠靡不懷逐客顙頰久故鄉雲雨乖
禽魚各有化予欲問齊諧

謁枉山會禪師

我本山東人平生多感慨弱冠遊咸京上書金馬外結交當世賢馳聲溢四塞

勉修貴及蚤，狂捷不知退。鎔銖揚芬馨，尋尺招瑕纇。淹留郢南鄙，摧積羽翰碎。
安能咎往事，且欲去沈疴。吾師得真如，自在人寰內。哀我墮名網，有如鸛飛輩。
瞳瞳揭智炬，照使出昏昧。靜見玄關啓，歆然初心會。夙尚一何微，今得信可大。
覺路明證入，便門通懺悔。悟理言自忘，處屯道猶泰。色身豈吾寶，慧性非形礙。
思此靈山期，未卜何年載。

善卷壇下作

在在山

先生見堯心，相與去九有。斯民旣已治，我得安林藪。道爲自然貴，名是無窮壽。
瑤壇在此山，識者常回首。

武陵觀火詩

楚鄉祝融分炎火，常爲虞是時。直突煙發自晨炊，徒盲風扇其威。白晝曛陽烏，
操綆不暇汲。循牆寧避踰，怒如列缺光。迅與焚輪俱，聯延掩四達。赫奕成洪鑪，
洶疑雲濤翻。颯若鬼神趨，當前迎燋艷。是物同膏腴，金烏入梵天。赤龍遊玄都，
騰煙透窗戶。飛燄生爍樞，火山摧半空。星雨灑中衢，瑤壇被髹漆。寶樹攢珊瑚，

花縣與琴焦旗亭無酒濡市人委百貨邑令遺雙鳧餘勢下隈隩長燂烘舳舻
吹熒照水府炙浪愁天吳災罷雲日晚心驚視聽殊高灰辨廩庾黑土連闔閭
衆燼合星羅遊氛鑠人膚厚地藏宿熱遙林呈驟枯火德資生人庸可一日無
御之失其道敲石彌天隅晉庫走龍劍吳宮傷燕雛五行有沴氣先哲垂訐謏
宋鄭同日起時當賢大夫無苛自可樂弭患非所圖賢守恤人瘼臨煙駐驪駒
弔傷色慘怛唁失詞劬愉下令蠲里布指期輕市租閉垣適未立苦蓋自相娛
山木行翦伐江泥宜壅塗魯臣不必葺何用徵越巫

崔元受少府自貶所還遺山薑花以詩答之

故人博羅尉遺我山薑花采從碧海上來自謫仙家雲濤潤孤根陰火照晨葩
淨搖扶桑日豔對瀛州霞世人愛芳辛羣擷忘幽遐傳名入帝里飛駟辭天涯
王濟本尙味石崇方鬪奢雕盤多不識綺席乃增華驛馬損筋骨貴人滋齒牙
顧予藜藿士持此空嘆嗟

途中蚤發